

IA

DIVER S.
TRAICTES.
HISTOR.

IA

IA

IA

IA



cm 1 2 3 4 5 6 7 8 9 10 11 12 13 14 15

19 18 17 16 15 14 13 12 11 10 9 8 7 6 5 4 3 2 1



EX LIBRIS

S. P. S.

1871

1871

OE xv
754

Pièce 1.	Daurou	381.	
2	—	912.	Pellier-4168 ^{bis}
3	—	915	— 4618
4	—	913	
5	—	914	— 3899
6	—	916	
7	—	917	
8	—	918.	

Toutes les autres pièces sont du XVI^e siècle

EXV 754

ancien L 4° 463

Relure aux armes de
De Mon avant
Les deux mariages

OE xv
754

L'assault bataille et

conqueste sur les Geneuoys faicte par le Roy de frâce
trescrestien Louys douzielme de ce nom. que dieu gard
Et la trahison que les geneuois ont cuide faire.

Et aussi la misericorde & appointement que le Roy
nostre sire leur a fait.



cm 1 2 3 4 5 6 7 8 9 10 11 12 13 14 15 16 17 18 19

[Faint, illegible handwritten text, possibly bleed-through from the reverse side of the page.]

cm 1 2 3 4 5 6 7 8 9 10 11 12 13 14 15



LE. xliii. iour d'auril le Roy partit d'agany pour venir au bourg: ce qui fist en approuchant de son armee ou il desiroit bien tost a estre. Et cedit iour monseigneur le grant maistre estoit au pont de sine: et ce vint iouer ou nous sommes de present vis a vis d'ung bastillon que les geneuois auoient fortifie contre nous: garni de trois ou quatre grosses pieces d'artillerie et d'ung grant nombre d'autres menues/ & y auoit dedans de huit cens a mille hommes/ & autour dudit bastillon qui estoit sur vne montaigne y auoit plus de. xliiii. a. xlv. mille hommes de guerre tant des pais de corseigne/ de la romanie/ espaignolz que geneuois/ & vng petit nombre de frâcois parmy. Monseigneur le grant maistre auoit seiourne vng iour audit pont de sine pour visiter le pays & veoir le cartier p ou il pourroit pzedre ledit bastillon/ & cedit iour il ordonna son auagarde/ sa bataille & arrieregarde & ceulx qui deuoient assaillir les premiers ledit bastillon/ & si gouerna si vertueusement a laide de nostre seigneur quil a recouuert au roy tout lhonneur que lon auoit perdu au garilla. Cōme les batailles furent ordonnees/ et que les suysses eurent fait les cerimonies acoustumees prosterner en terre/ les bras en croix & les picques beles apres quilz furent debout & que tout marchoit cōtre ces ennemis. monseigneur le general de normandie se presenta bien mōte & arme deuāt mondit seigneur le grāt maistre et mist pied a terre. et luy reqst cheualerie ce que luy fut octroye & le fist cheualier mondit seigneur le grant maistre/ & ce fait le fit mettre de son ordre et marcha quant et ladicte armee contre lesditz ennemis: il estoit mōte sur vng beau genet gris & arme tresbien/ & son acoustremēt estoit moitie de drap dor & de velours blanc pareil a celui de mondit seigneur le grāt maistre/ & d'autres bons personnaiges esquelz monseigneur le grant maistre auoit donne ceste licence/ dauantaige il donna a mondit seigneur le general le che

ual & harnois/ mondit seigneur le general fut tousiours
auec mondit seigneur le grāt maistre iusques a ce que ledit
bastillon fut prins / mondit seigneur le grant maistre le
chargea en escripze des nouuelles au roy/ce q̄l fist en tou
te diligence/et luy enuoya monseigneur de la mote/loys
raguier qui arriuerent deuers ledit seigneur armez de cuy
raisses & firent bien honnestement leurs messaiges de lor
te que le roy & beaucoup de princes et seigneurs qui y es
toient presens en furent trescontēs/ et appozterent les
meilleures nouuelles q̄ le roy eust voulu souheter. Pour
vous faire scauoir la facon de ladicte prise dudit bastil
lon mondit seigneur le grant maistre fist monter enuiron
quatre mille hommes de pied de la charge du lieutenant
du daulphine monseigneur du riage/et des suysses/quelqs
ligieres pieces d'artilleries comme faulconnyaulx auec
ques deux bons faulcons/apres il y monta beaucoup de
gentilz hommes qui estoient en habillement pour comba
tre a pied sur vne montaigne vis a vis dudit bastillon.
En montant y trouuerent des ennemys enuiron le mis
lieu de ladicte montaigne en vne maison ou il ce batirēt
treffort/mais noz gens les gaignerēt et enchasserent les
autres qui se retirerent auec leur grosse armee:& peu a
peu noz gens gaignerent le hault de ladicte montaigne.
Et quant ilz furent la ilz furent barbe a barbe desd en
nemis : & tenoyent contenance de bouloir combattre et
cryoient si terriblemēt que lon neust pas ouy tonner.
Et estoit leur cry A carne a carne: qui vault autāt a dire
cōme tue tue.

Monseigneur de la palice estoit oz donne lung de ceulx qui
menoit la p̄miere pointe:& y seruit merueilleusemēt biē
& la fut blese d'ung cop de traict par le col: lon espere que
il en guarira Et tout plain d'autres de noz gēs qui se por
terēt baillāment: il faudroit bien vne feuille de papier
pour escripze leurs noms.

En effect nostre artillerie cōmença a tirer & nos gens
a marcher contre lesd̄ ennemis: qui tindrent bon vne pe
tite espace: & puis a coup ilz tournerent les dos & fuyrēt
droit a geines & en castellas qui estoit p̄s de la environ
vne lieue: & nos gens apres qui en tuerēt bien deux milz
le cinq cens.

Quāt ceulx du bastillon virent cela & que monseigneur
de meillau filz de monseigneur dalegre les poursuiuoit de
pres ilz mirēt le feu en leurs pouldres & abandonnerent
led̄ bastillon. Et y entra la p̄miere bande celle dud̄ seigneur
de meillau qui y posa les bannieres du roy. Lon ne vo
scauroit extimer par l̄e la force q̄ cest dud̄ bastillon et est
increable q̄ ne lauroit veu: en effect dieu a este bō fr̄ancois
Et mōseigneur le grant maistre cest mōstre bien saige & biē
hardi & a acquis vng grant hōneur merueilleusement.

Le roy artua apres disner ou il vint sept ou huit p̄sona
ges de geines par sauscōduit pour demāder misericorde
car oncq̄s ville ne fut en plus grant danger destre pillée.
Led̄ seigneur ordōna mōseigneur le legat & mōseigneur le grāt
maistre pour les ouyr.

Et monseigneur le grant maistre leur respondit de la
part du roy Mettez vostre duc tainturier entre les maīs
du roy & quelque dix ou douze p̄sonaiges que led̄ seigneur
voudra demāder: & cela fait led̄ seigneur se aduisera de ce
que il luy semblera bon de faire.

Et pour approuuer la grant trahison que ilz bouloiet
cōmettre contre le roy entretenoient led̄ seigneur cōme silz
eussent voulu traicter a appointment ainsi cōme trais
tres & desloyaulx quilz sont & ont tousiours este: nostre
armee ne pensoit pas ne ne visoit que bien peu a la guer
re a cause de la misericorde quilz demandoient.

Il vint vng alarme de quelques auāturiers de nos gēs
q̄ estoient alle fourager au bourg saint pierre darennes
En maniere que le roy sarma & chascun pareillement.

Et incontinent il se monstra bis a bis dudit bastillon quinze ou seze mille de noz ennemis faisant contenance de descendre la montaigne pour cōbatre. Noz gens monterent audit bastillon a la fille vne belle compaignie et se mirent en bonne ordōnance: & trouuerent faison faignāt de reculer que lesd̄ ennemis descendirent de la plus haulte mōtaigne sur vne aultre plus basse aupres de noz gēs. Et aussi tost quilz y furent noz gens marcherent si bigoꝛseusement contre eulx: & a grans coups de picques de traitz/ & artillerie: en telle maniere que noz ennemis sen fuyrent bien viste cōme tempeste: non pas tous: car il en denioura largement en la place.

Noz gens les suyurent tuant & batant sur les montaignes & par tout: en maniere que la nuyt ilz sen allerēt hors de la terre de geines vers pise & en daultres lieux: & nont plus les geneuois nulz souldars cōme dit est.

Pour reuenir au propos de ladicte ambassade dudit geines elle est retournee demandant encoꝛe misericorde. Et a este traicte et conclud paix avec eulx: a ce quilz ont rendu la ville au roy & les places quilz tenoyent: & tout le peuple a sa boullente.

Et a este mis le castelas es mains dudit seigneur: ainsi ont pose les armes & ont mis tout au chastelet. Et le roy a mis quatre cens hommes darmes pour garder ladicte ville les logis se y font.

Et y entra ledit seigneur le .xxix. iour d'auil en armes le plus honnestement & le plus goꝛrierement quil est possible de dire cōme a tel pꝛince appartient.


Et les anciens de ladicte ville les plus apparens en grāt nombre vindrent aux portes de la ville au deuāt du roy & se mirent tous a genoulz criant au roy misericorde et pardon en lhōneur de la passion de nostre seigneur iesucrist ledit seigneur leur pardonnera le crime en lhonneur de

la passion de nostre seigneur: mais de la 'reste nostre sire le
roy en fera ainsi que il entent & come bon luy semblera.
A ce soir sont arrivees au port de saint pierre darennes
les galleres de pregen: & les quatre du roy daragon: et
les fait merueilleusement bon veoir.

Le roy les est alle veoir & en est bien ioyeux.

Escript aux champs deuant geines
Le dernier iour daueil.

Ensuyt le traicte & appointement que le roy
nostre sire a fait aux geneuois



Depuis la conqueste que le roy nostre sire a
faicte de la ville de geines & pays: il leur a
faict tel appointement. Que lesd geneuois
baillent a nostre sire le roy deux cens mille
ducatz pour deffrayer son armee. Et cent mille ducatz
pour reparer l'offence quilz ont faicte dauoir este desob-
beissans a lencontre de luy. Et seront tenez de faire a
leurs despens deux forteresses que le roy nostre sire en-
tent faire audit lieu de geines. Et quilz payeront ung
senat & gouuerneur de deux cens moyses poyes que il
veult tenir dedens geines pour la garde de la ville.

Handwritten signature or initials at the top of the page.

Handwritten text line below the signature.



Handwritten text line below the shield.

Handwritten text line below the first line of the lower section.

Handwritten text line below the second line of the lower section.

